

鐵嶺縣志

宗教志

中國古時神道設教南正重司天北正黎司地其時別無他教惟以上下神祇爲人之所當尊故溯我國教之原始當曰神教繼乃推之日月星辰風雨又推之山川社稷五祀八蜡已開多神教之濫觴春秋神降石言漢五行志言黑眚物妖臧文仲祭爰居秦文公祀陳寶拜物者有之休屠祭天金人入漢而後偶像興白馬馱經乘分大小而後佛教熾佛家勢力當在中古實與神教代興矣然佛言寂滅不如道重長生足遂貪人之慾望老子周柱下史其道德經皆治世之法原與宗教無與秦之方士爭言求仙稱羨門子高之徒漢初蓋公

王生始治黃老家言以老子與黃帝並重淮南王劉安好之劉向少時亦習其學特未標爲教派耳迨後漢張道陵興創符籙眞言是道教之所由來也斯三者中國恒言所謂神佛仙者近之回紇助唐始傳回教景教與之俱來五季以後中國所以無獨一之宗教也鐵邑地雖褊小諸教皆有耶穌天主教者爲歐洲人故不備載於此而彙錄內國宗教如左焉志宗教

紳教

竈 竈爲五祀之一原祀肇興火食之燧人氏崇報本也禮於夏祀之今俗於舊歷十二月二十三日祭竈正月一日迎之門 亦五祀之一禮於秋祀之今俗則舊歷正月一日迎祭

城隍 廟建於城內西街懿路亦有本古八蜡祭水墉之意附會其說者謂爲幽冥地方之宰俗於清明七月十五月初一日皆祭之並有巡行之舉

厲壇 祭國殤俗於舊歷十月一日以城隍主之  
土地 其廟各屯皆有卽古之里社

九聖 卽八蜡之神而附以藥王或火神

火神 本祝融治南方之意故祭之以司火

三官 本古玄冥治水之意實所祀之神曰天官地官水官廟自明代有之

龍母 附會唐李靖夜宿代爲行雨之說

鐵嶺縣志

宗教志

二百七十八

奉天作新印刷局排印

文昌 北斗第六星曰文曲又別有戴筐六星號曰文昌祀於文廟東院

關帝 卽屬漢壯繆侯明清以來廟貌尊嚴鐵嶺西關先有其廟清康熙間再建廟於城內中街錢糧行設於廟院內爲各商戶虔奉之尊神

財神 司財之神也商主理財祀之以崇報本但俗附會爲商相比干是以封神演義爲典要殊屬不經

藥王 本祀始立醫藥之炎帝神農氏俗誤爲唐名醫孫思邈稱之以王而配以歧伯雷公扁鵲倉公張仲景華陀王叔和李東垣劉河間朱丹溪

祖槭 各工藝所祀祖師其間附會者尤多然其報本返始之意亦不可沒寺名祖槭或取槭蔭之意今名祖槭無從得其意之所在

### 佛教

如來 圓通寺慈清寺皆祀如來佛即釋迦牟尼全境佛寺極多見於祠廟志佛教爲滿洲最崇信者而近年又發生佛教會慈清寺住持僧本善爲會長

### 道教

老君 卽周柱下史李耳圓通寺內有老君堂爲道教之地道教會長龍灣山道士王從興任之而衍其支流別有無爲渾元之

### 稱

### 回教

回民居於南關而城西南之揚威樓南之遼海屯北之山頭堡亦有之鐵嶺回民忠厚者多兼尙詩書其禮拜之地曰清真寺建於南關街頭路東崇祀摩哈默德其經曰可蘭每舊歷歲除行禁食禮人死裸葬叢塚在東南山中

鐵嶺縣志

慈善志

天下事非知之艱行之維艱乾父坤母物與民胞使老有所終壯有所用幼有所長矜寡孤獨廢疾皆有所養聖人能之下焉者不數見也中國家族念重社會義舉每翹然無動於中故賣絲糶穀剜肉醫瘡陋巷窮檐之中吾民之顛連無告者多矣若夫道殣野殍益無人爲之顧恤黨救州凋之義廢下等社會固無足責而身在士夫之林亦藐然無動於中是可怪也鐵嶺慈善事業曩有孤貧院招收殘廢病老由倉房給米係國家恤民之政亦非地方公益也自近世新說輸入愛群保種之道始稍稍悟夫人抱爲我主義則子孫盡是他人

若認同種爲同胞則四海之內孰非兄弟安忍膜外置之乎何從何違不可不決也志慈善

消防隊

消防隊設在中街關帝廟後院凡有火警之家無不登時撲救城廂民居賴之事詳商務志

施診所

民國三年由本城佛教會發起籌集捐款在鐘樓南租用房間設立醫生丁壽椿劉寶善李麟閣同任施診事務每日由早九鐘至晚二鐘爲診醫時間概不取費所用藥料准向藥肆自行購買以期便利而免耽誤

## 牛痘局

清光緒二十六年本邑醫生張承甲慨小兒天花之症最爲危險臨時醫治每不幸而致夭殤是年六月稟請旗民兩署自籌經費創設施牛痘局借旗署門前空閒官地建築房屋開創之始常年春秋兩季約施種一百餘人時巡警衛生局成立因施種日多恐難持久遂常年由警捐項下撥給津貼銀圓七十圓民國二年張醫生因警款支絀自請停免津貼仍爲純盡義務

## 收容所

設城隍廟院因烟癮貧人多染瑪珞之毒拘留以醫治之開辦以來頗著成效其款經現任知事陳公藝由禁烟罰款撥充

## 義塋

在龍首山南之西坡清同治十三年由前知縣文公景倡議劃分四至凡旅居無家之人死則葬於其地

## 柴河橋

清同治八年邑人王宗岳因柴河來往維艱自捐秫稽工費築橋於龍首山下冬設夏拆王宗岳病故後世有號財東邑紳楊生春繼之亦自任建橋歲費庚子亂後楊紳回山西原籍其橋遂歸中廢光緒三十二年商會提議由商家公修北移於驛路渡口宣統二年並由城廂自治會提議添設渡船事並載於商務志

## 附醫學研究會發軔之原始

清宣統二年冬百斯篤疫由北傳入鐵邑倡辦防疫而醫藥行假商會地址開會研究是病之原起於血分其毒由呼吸而直達血管片刻傳徧四體不仁顏色黑暗故又曰黑死病於是公舉劉寶善杜書田二醫生在龍首山下賃房專司驗病藥行義和堂等號施捨丸散活人頗多

### 研究會之成立

民國元年冬本城醫生張寶善等呈准縣署仿照省城創辦醫學研究會公舉林鳳岐爲會長楊冠英王景恩爲研究長事未果行二年春經縣長陳公藝囑託商會總理彭錫庚招集城鄉醫生重行選舉是年五月間經城鄉醫生二百六十餘人投票舉林鳳岐爲正會長楊冠英孟廣儒爲副會長杜芳春爲研究長商會總理彭錫庚爲名譽監督並訂定會章十二條每星期出題招集醫生研究一次頗稱進步

### 八鄉研究會之分立

是年七月西二鄉醫學分會首先成立而西一西三南一南二南三東一北一亦次第成立每分會公舉會董一人調查研究或二人三人不等其研究方法均仿照城裡人知競爭毫無學識之醫生遂不免淘汰也

### 官方紙之提議

先前各醫生之方劑不但不知脈案爲何物抑且所列藥名多出於

杜撰人不能解以人命爲兒戲自醫學研究會成立首先提議官方紙凡操醫業者均須購領官紙無論所診何病須將脈案詳細開列所用藥劑亦不得另起別名違者議罰於改良醫學之中兼寓籌欸之意舊習難除多未照辦現經該會呈請縣署廣出佈告未悉果能實行否也

#### 城鄉研究第一次之修業畢業

醫學研究會簡章研究醫生以一學期爲修業兩學期爲畢業城裡醫學會自二年五月開辦至三年五月爲畢業之期當經縣知事陳公藝出題考試畢業二十三人其八鄉分會亦皆修業一班繼續辦理庶幾醫學進步人民得所託命歟

鐵嶺縣志

禮俗志

古者緣人情以制禮曲禮曰禮從宜使從俗故欲言乎禮必視乎俗俗者禮之所從出也鐵嶺民族糅雜禮俗不盡相同特世運愈文明則舊禮俗之有不良者必日歸於淘汰斷無可疑如童年早婚死喪奏樂殤兒多不掩埋人事謬憑星命民智稍開之後誰復貿然從之然而敦宗報本敬老尊賢國粹所存亦以見人心之厚焉天下事之改絃更張當去其泰甚者若必斷斷焉引繩批根則齊固失矣楚亦未爲得也豈非好事者之所爲乎志禮俗

婚娶

婚禮沿古制有納采通信過禮之階級當卽古之六禮遺意也而迎娶每在黎明或以婚者昏也之變通吉期則鼓樂往迎新婦乘彩轎至門內停轎備火盆烤火乃引紅氈鋪地新婦踏之而行立庭中新郎祭天地新婦近亦交拜女賓扶新婦入寢門有跨鞍坐帳之文新郎與新婦至寢門未坐帳前親揭蒙頭手帕他人不得代之新婦坐帳後婦家行館甥禮俗曰館飯實則借新郎家之酒食以行具文而已戚友就席新郎徧拜之至晚合巹交杯新婦例皆不食特有幼年同輩作吉祥語以爲祝嘏次日新郎新婦謁祖並分家族行輩三日謁墓七日或九日新郎新婦偕至婦家新郎拜祭婦祖及謁岳父母與他戚友曰回門自民國成立改行文明結婚禮其禮制頗稱慎重



詩禮之家從之而鄉里平民仍沿舊習

### 生子

生子三日曰洗三乃作饌曰吃喜麵彌月之前戚友與產婦送食品名曰下乳主人於彌月設酒食酬之彌月時戚友與小兒送佩服玩物曰作滿月生子百日曰百歲祝其長生也

### 喪葬

喪服漢族有衰經古制父母之喪以二十七個月爲服滿古三年之喪之遺意也祖父母伯叔之喪期服推而遠之爲大功小功緦麻謂五服其遠族袒免之服莫能實行而屬纊時有指路送紙之文三日合家赴廟前致奠曰送三六日致祭曰迎七夜間有上望鄉台之說

置梯於烟突之側二十一日致祭曰三七供飯五七尤爲重典此其大畧也

滿洲及漢旗服制以白袍帶爲喪服在官者百日換服仍守制其餘略同

葬地頗信風水砂穴之說靈槨起行以長子在前曰架靈前行者執紙幡取引魂之意置飯菜於罈長婦捧之曰食罐入壙埋於柩前士夫家頗重堂祭成主之禮於葬之前二日敬延禮賓鄭重將事以勉爲榮親之舉寒素者則從簡約

### 祭祀

清明中元十月朔及歲除祭掃與他城同而七月十三日曰麻穀新

喪者則致祭曰燒麻穀殆取舊穀既沒新穀既升之意乎  
祭品以饅首供飯菜果爲普通品焚香燒紙習俗同然

### 宴會

宴會以會年茶爲著而平時宴會則各不同官紳宴客必先具大帖  
臨時仍復催請食品以燕窩魚翅臠肉爲最珍偶用番菜飲南酒而  
外洋葡萄酒麥酒亦貴之若白蘭地香檳酒尙無多用者

### 男女交際

男女交際尙多避忌凡青年男女自相會談人多議之自女學興而  
交際稍寬然仍不可不避嫌疑大家女子出行必有保姆導引昏夜  
尤不許出游此防閑之大端

### 稱謂

漢俗稱父母曰爹媽孫稱祖父曰爺爺祖母曰奶奶姪稱伯父曰大  
爺平輩年長者通稱亦曰大爺外孫稱外祖父曰老爺外祖母曰老  
老妻孫稱祖姑之夫曰姑爺妻姪稱姑之夫曰姑夫或亦曰姑爺岳  
父母稱子婿而仍曰姑爺爺之稱混淆莫甚焉兄稱弟妻曰妹弟妻  
稱夫兄曰伯而實則通稱曰兄姒娣相稱曰嫂曰妹弟與妹稱姊曰  
姐姻婭相稱曰連襟俗更呼連喬取大小喬之義而通俗稱女子曰  
姑娘名辭最混滿洲稱父曰阿麻母曰額木讀平聲叔稱嫂曰姐長者  
稱幼輩曰阿哥其餘與漢俗同

### 習俗彙誌

舊歷除夕家族致祭先祖並設神位香花極盛幼輩對尊長行辭歲禮夜過半接神禮尤重商戶赴廟接財神皆徹夜不眠有守歲之意食水餃曰元寶湯黎明卽行拜年禮逢門投刺初五日送神十五日爲上元節亦曰燈節沿街懸燈爆竹之聲四徹市街鑼鼓齊鳴食湯圓曰元宵有太平歌龍燈獅子旱船諸戲二月二日爲中和節炊春餅清明祭墓插柳五月五日曰端陽節插艾食涼糕角黍小兒佩續命絲及麻帚曰掃病飲用雄黃酒以避瘟六月六日祀蟲王鄉里釀飲爲盛七月七日乞巧前宵以水置庭中及日午用刺鍼置水面上以觀其影曰撩花針七月十五日稱中元節鄉里蒸饅首祭墓以土培之曰添墳夜間放河燈路燈稱爲鬼節八月十五日曰中秋供月食月餅其盛與上元同九月九日邑人多登龍首山眺望曰登高十月一日祭墓亦間有添墳者又有城隍神出巡之舉乃以木像置轎中抬之蒞城北厲壇十二月八日食黃米飯曰臘八粥二十三日祭竈食飴糖俗稱是夕竈神昇天故奉祀甚虔焉

鐵嶺縣志

氏族志

孟子曰爲政不難不得罪於巨室乃洞達時務之言也管子之才不能不屈於國高晏子之賢不能不屈於陳鮑子產之德不能不慮族大寵多而借助於子皮西都賦曰蕭曹蜀都賦曰葛姜南北朝時南稱王謝北稱崔盧氏族之關係久矣鐵嶺大姓代有變遷每與地方政治爲緣始凡選舉之重公益之興或亦幡然而興起乎志氏族驗盛衰知升降而保家亢宗之彥或亦幡然而興起乎志氏族

李姓 明甯遠伯李成梁之裔入清尙多顯宦分見於鄉宦忠節孝義各志而小屯新墳尙有支子小宗

李姓 明遊擊李永芳之裔永芳降清後給王化貞陷遼西邑人頗不樂道見鄉宦志者惟率泰巴顏二人而遺裔亦無考

金姓 清世襲二等男金玉和之裔子孫多見鄉宦志今遺裔居椴木嶺子

佟姓 考清佟勤惠公養性及其弟養甲皆撫順人境內有其支裔郎姓 或云清兩江總督郎公廷佐之裔未能確悉今其族多在河西東貝河

尙姓 考清平南王尙公可喜遺族多在海城而境內亦有之居東關

高姓 清高宗烈公天爵之裔天爵見忠節志子孫多見鄉宦志今

其遺裔所在莫能道之

戴姓 清初有浙江人戴梓精機巧因與監正南懷仁忤徙鐵嶺子  
亨進士居河西戴三家子子孫繼之今已衰

左姓 明左懋第先生之弟懋泰之裔懋第清風苦節媿於史閣部  
宏光繼位南京奉命北使謁陵並與清議和清拘之自矢以身報  
國終遇害其絕命詩曰漠漠黃沙少雁過片雲南下竟如何丹誠  
碧血銷難盡蕩作寒烟永不磨聞者慟之同氣連枝當有其遺  
概者今遺族居城內及左家溝並河西左家岡子等地

商姓 自清初移居境內乾隆間有商其果商其桃兄弟聯登貢舉  
後嗣繼之

鐵嶺縣志

氏族志

二百八十九

奉天作新印刷局排印

麻姓 自清初移居境內

秦姓 自清初移居境內族稱繁盛有任縣知事者詩書之澤未衰  
現居南關

吳姓 自清中葉由直隸移居咸同間科第漸興吳枏吳元秀吳璋  
諸人以舉貢起家繼之者多鄉里稱道焉居東關

彭姓 自清康熙二年由直隸灤州移居彭廣心以拔貢大教習起  
家蒞外任子虎臣等繼起而胞姪熙臣江蘇道員英甲甘肅藩司  
今尚宦游他省世居城東南官房身後移城裏東關而河西長溝  
沿及城東尹家溝城南懿路亦有之

鄭姓 自山東移居境內世居東關有拔歲貢生數人而居城東熊

官屯及河西各屯者不盡同族

魏姓 世居河西楊相國屯族頗大雅尚詩書有副榜歲貢數人

陳姓 世居大寶山有陳起棟以武進士起家一自清中葉居西關

陳紀升以知縣蒞任山西子孫繼世稱爲望族

郭姓 世居城內郭鑑襄以進士官山東道台其本支居任所他族在境內

李姓 家稱殷富世居南門裡李葆真成武進士

田姓 一在南門裡田葆綬嘗游宦吉林一在東關稱殷富又一在

范家屯又一在白梨溝不盡同族

尤姓 自清中葉移居城內尤其盛任直隸樂亭知縣

于姓 一在河西曉興屯有于民新以進士官郎中一在羅家房身稱殷富尚詩書現有留學東洋振武學校畢業歸國宣力軍界頗著戰功者

鄧姓 在河西大榆樹堡鄧慶麟以進士任監察御史

李姓 在城西南賀家墳李向陽以進士官直隸

葉姓 世居河西移北關葉長春於光緒戊戌科中進士經魁

趙姓 居河西戴三家趙蘭田以進士任工部主事現隱居

石姓 世居河西長溝沿道光間石玠任盧龍知縣有政聲子賡臣及孫繼之而同族在西關亦習詩書舊業有以教習知縣官直隸者

楊姓 邑中巨富有楊生直以舉人著名弟生春任廣東合浦知縣  
他支亦富

常姓 世居東關有邑庠生數人家道頗富

張姓 居河西張家莊有張成棟中光緒壬辰進士朝考授職編修  
現居北京

宮姓 居城南官糧窖宮兆甲以拔貢朝考一等授小京官陞工部  
營繕司主事

王姓 世居城南遼海屯王珍以恩貢起家姪友雲以大教習授職  
知縣子孫多繼之有由大學畢業遊學美國者

曾姓 自山東移境內宗聖曾子之裔居東西關及河西木廠

鐵嶺縣志

氏族志

二百九十一

奉天作新印刷局排印

孟姓 自山東移境內亞聖孟子之裔居城北歪石礮子及城西之

東貝河

才姓 世居河西三台子

邊姓 世居河西東貝河

皮姓 世居河西馬廠

趙姓 世居城西南大蓮花泡

袁姓 世居城東大甸子老邊台

房姓 世居河西大青堆子

羅姓 世居河西紅崖嘴

石姓 正白旗人居西關及城南石灰窰子

康姓 正白旗人世居新興堡

阮姓 正白旗人世居西關

王姓 鑲白旗人世居城內

朱姓 正藍旗人居城西南大康屯二台子及城東南屠家樓子

羅姓 正藍旗人居城內及城東宿老屯當舖屯

侯姓 鑲白旗人世居西關

劉姓 蒙古旗人世居阿吉牛泉堡子家稱巨富

劉姓 楊姓 穆姓 回民居城南關及城北山頭堡



鐵嶺縣志

人民程度志

孟子曰君子平其政大學釋平天下之義曰絜矩之道其言雖古實今日自由平等之說之眞注脚也夫自由有法律限之不以一己之自由妨他人之自由自由之結果卽爲平等乃絜矩之義也嘗謂自由平等之理蔀屋窮簷中可以不知而勢家顯宦及士紳負盛名者不可以不知知此義然後不以掠美而邀功不以違衆而任己而社會精神現焉中國最不平者以史筆爲甚魏收穢史無論矣陳壽帝魏寇蜀爲時所限亦無論矣卽漢唐以來鴻功偉烈揚厲鋪張類皆歸於一二人而士卒死亡人民疾苦誰能言之所以持極端之論者

謂中國四千餘年皆帝王世譜無所謂歷史其言雖激頗得概要也公理具在天道昭然載記者亦當求其平而已矣志人民程度

人民之自謀保衛

鐵邑人民進化始於庚子之亂拳匪旣敗洞悉無識無能野蠻排外之非計而俄兵在境孟縣令回城置練勇於河西副都統晉昌北走仁育二軍聯翩過境當法紀大弛之時誰能約束於是河西各屯自謀保衛若阿吉牛泉堡劉文俊楊相國屯魏渤海大青堆子曹世發果子園王德昶劉尙清等各以在籍文武官紳出謀救濟或招守望或善調停地方之難稍紓而開原界之高家川有孟袁各衆聚黨七百餘人遠近震驚圍黃古洞破十五間房槍斃范哨官聚奎死難者

纍纍有馬蓬溝人溫慶出爲排解他村幸免浩劫次年春始議辦保甲西鄉孝字分局趙局長文珍以七十老翁奔走勸慰漸期安堵至秋而各局始立方事之殷也通事等通賊作祟往往峻俄人下屯收槍一日數驚各屯士民籌聯絡消融之法獲獲生全城廂於庚子之亂及日俄之戰驚駭固甚而僞民軍之入城爲獨險凡勸學總董工商會總理城廂自治會長皆幾遭毒手有消防隊長彭玉山獨力擔負立解危局凡勒捐之槍款工商界公共攤賠迨陸軍到境商界先盡地主之禮供給不缺軍民浹洽大難日平亦自謀保衛之能收實效者也

### 地方之踴躍急公

鐵嶺縣志

人民程度志

二百九十四

奉天作新印刷局排印

光緒三十二年發起國民捐士紳首先認捐銀圓百圓數十圓或數圓倡之各校教員及各村勸學員各捐三四圓不等學生各捐一圓或半圓商民捐輸日有增加集款甚巨嗣於宣統二年政府飭令捐款發還他邑半多領回獨鐵嶺之款經諸紳主持永作國民捐民國元年復倡國民捐因受種種影響事多困難然集捐呈報之數尙不亞於他邑

### 人民之重視交涉

日俄戰後俄人應負戰時損失賠償鐵邑冊報獨遲被害人民毫無所得亦各安之無怨讟之言

### 興學之合於民意

境內興學賴紳耆倡始而全境贊助之力尤不可沒其始立學堂或借破殘之廟宇以布幕障偶像或賃卑陋之民房以土炕代椅凳兵燹甫過民生憔悴然多奮勉爲之以日臻完備且自戊戌變法以來私塾早多改良學生漸有根抵如出洋諸人非盡賴學堂栽培之力即女學倡於城裡而各鄉女學實皆自行籌設公款無多補助青年婦女入學者非強迫所能爲乃欣然樂就可以覘風氣矣

#### 學生愛國之熱度

宣統二年請速開國會昌圖趙振清曾割股上書其北歸也全界歡迎斯時奉天各校學生及本邑師範高小學學生皆於年假期內下鄉演說誰未必克奏實効然跋涉冰天雪地中或終日不得飽餐或

終夜不得暖席其心可嘉善爲陶鑄異時之成就必多

#### 鄉校之明於豫決算

民國二年全境學款出入表查各鄉高初小學女學共一百六十餘所而學款共虧小銀圓二百餘圓以學校數與虧款數比較每一校僅虧小銀圓一圓餘可謂少矣倘非審慎從事何克臻此

#### 民教相安之實證

自近年學校林立民教感情日融凡興學設警各款教徒毫無阻撓而往往提倡之故民國三年南關耶穌教會之醫院擬築樓房官紳學商各界共擬勸捐小銀圓三千圓雖因歐洲戰亂金融受其影響尙能樂善好施勉爲其難可以證一般心理矣

鐵嶺縣志

災害志

天災流行國家代有唐堯商湯之世不能無水旱春秋之衰宋衛陳鄭皆火更無論矣以至厲疫繁興凶荒薦至史冊每不絕書世人求其故而不得加以附會訛言於以日多而司中司命風師雨師從古崇其殷祀及圭璧填河竽瓚禳火陰陽家言輒矜爲秘術抑有由也夫修德受福理有固然然備災防患何可疏乎鐵嶺災害遠者不可稽清二百年間父老傳聞碑碣誌載並近數十年耳目所及之事往往有之彙錄一編足以資修省謀預防爲務民之義者所借鏡焉志災害

地震

清乾隆四十餘年間地震暴烈電火衝突廬舍傾倒甚多中街關帝廟被毀殆非常巨災事見廟內碑文

火災

雍正十年城內西街罹火縣署被焚咸豐六年火東西城樓皆燬同治六年城外東街大火延燒民舍百餘家光緒十三年城內樓東火起於孫姓二十餘號舖商多受其殃光緒二十六年八月俄人將至東關商戶遭劫土匪沿街蜂起屯糧商戶有被火者無人拯救延燒二十餘日有楚人一炬之慨

水災

道光二十六年大水東門外可乘船光緒十一年七月復大水糧船  
麇集北門外東抵東山西抵西山即廠紅崖嘴地汪洋無際而百穀竟慶  
豐收殆未成災也宣統三年夏大水全境田疇淹沒十有三四而清  
運遂亦告終

### 癘疫

光緒二十一年中日戰後癘氣傳播夏七月境內發生陰霍亂症吐  
洩抽搐頃刻隕命而宣統二年冬傳染黑死病官紳籌辦防疫事務  
隔絕交通於城北山頭堡設防疫所龍首山設隔離所防疫夫皆衣  
日其消毒之劑以炭酸爲要品病者不幸而死則房屋衣服器物均  
付焚如疫死之塚亦以石灰壘之而葬地在龍首山東設有焚屍爐  
聞有未死而生理者蓋訛傳也

### 雪災

防疫未竣大雪驟加宣統三年春連日夜降雪不絕延三旬有餘貧  
民槁餓牲畜凍斃陰歷三月後雪融河水暴發城村路上泥深沒胛  
氣象愁慘迨民國三年陽歷十月間木葉未脫陡然雨雪交加繼以  
朔風冰凍樹顛被壓摧折披離墮地農民不得滌場畢事糧豆露積  
多□爛雖未成災亦一異也

鐵嶺縣志

佚聞志

齊諧志怪之體非志乘之所宜也况乎古蹟古墓誌之彙有成編何佚聞之有哉然而世變無常往往非臆度所能及客有南游者歸據言如西湖之花塢柳浪橋今皆非其舊觀卽揚州之二十四橋尋其遺址祇郡西之隙地而已矣其他無論焉閒嘗走直隸河南達山東訪叢臺弔夷門拾銅雀瓦於漳河借盧生枕於邯鄲過濬縣問子貢之廬經館陶尋朱公之里俯仰古今悲慨交集更北游吉黑之間問扈倫四國及會甯佚事徘徊於得勝陀碑隆安塔下傷哉可徵者鮮矣故里巷傳聞不當盡以無稽棄之後之覽者將有感於斯文也鐵

嶺里巷之傳聞夥矣妄誕太甚斥之不錄而擇其雅馴近實之事姑列於篇亦所見異辭所聞異辭所傳聞異辭之例而已志佚聞

圓通寺之銅碑

圓通寺後院之古塔不知幾歷風霜矣清光緒間由塔墮落銅碑一方長一尺三寸寬六寸五分厚二分碑存寺內今錄全誌於後

重修圓通寺塔記

銅碑原刻

夫銀州圓通寺塔乃建自唐初太和二年逮至大定宣德正德修者未備惟茲一品夫人李門宿氏往降于香見此塔不堪乃咨嗟不已遂率同緣信女發心修治先出貲財銀兩匠役數十名于萬曆十九年二月興工命匠磚墜者補之木腐者易之原無者增之新鑄鐵葫

銀佛一尊銅佛九尊塔頂東南新廟一座銅爐一尊銅碑一面新鏡三百四十圓新鈴一百四個各色鐵釘二千斤新獸八十頭石灰六百石至本年五月內功完此塔一整煥然聿新所以崇廟貌而增輝鬻州者必不止于今日也謹將助緣信女同勒于碑以爲萬古記時大明萬曆十九年歲次辛卯二月庠生高岡書

夫人陳門楊氏 夫人王門鍾氏 魯門李氏

夫人金門姚氏 李門曹氏 李門華氏

夫人李門徐氏 夫人李門王氏 陳門宿氏 李門陳氏

夫人黃門宿氏 夫人王門李氏 夫人宿門蘇氏

夫人宿門陶氏 夫人蘇門李氏 夫人陳門李氏

夫人李門宿氏王氏 夫人李門吳氏 夫人裴門李氏

贈封一品夫人

鐵嶺縣志

佚聞志

二百九十九

奉天作新印刷局排印

夫人李門王氏 夫人李門張氏 黃門羅氏

夫人宿門鄭氏 夫人李門蕭氏 宿門李氏 王門吳氏

夫人李門趙氏 李門吳氏 李門李氏 陳門平氏

夫人李門吳氏 李門郭氏 韓門李氏

夫人李門鄒氏 夫人李門路氏 金門李氏

### 圓通寺佛座下之洞

圓通寺於清同治六年重修觀音像座下有洞莫測其深若干尋惟見洞口有釘挂鎖鍊洞上杜以小餅餅中藏葦管若干相傳座下有鎖壓不得其詳遂仍舊封無人敢動云

### 白塔之大蛇

圓通寺後之大塔清咸豐間傳聞有大蛇二見於日未出時拖尾塔

上引頸塔下井旁石槽中飲水然亦不害人同治後不復見廟祝於佛殿後甃甑爲廟奉爲蟒神

### 石門

在圓通寺之東院舊爲糧商天義信棧房相傳於清光緒間掘窖得石門隨即掩之後亦無復掘者

### 石梁

東關二虎廟東山溝內於清咸同間被山水冲刷現露方石一段其圍似梁土人呼爲石梁今無存不識被積土所掩抑或被人斲取歟

### 鐵嶺

縣之名鐵嶺者按舊志明以鐵嶺衛移設於此舊鐵嶺衛去今治五

鐵嶺縣志

佚聞志

三百

奉天作新印刷局排印

百里攷蓋州有鐵嶺堡或卽其地乃北門裏迤南大街舊有低於他處之地然土質頗硬任往來車行不成深轍父老相傳以此爲鐵嶺卽現在鋪石處而監獄署街因名爲鐵嶺街

### 銀岡

書院之名銀岡以有微岡一帶又以其在古銀州之地故名銀岡然自康熙以後人烟漸密地勢就平岡之舊跡久已不可復識矣

### 銅鐘

西關關帝廟西舊有銅鐘寺因鐘以銅鑄而得名今無存矣

### 修城紀石

清乾隆四十六年因古城舊基重修周垣勒石嵌於北門之牆今其



處已頽圯經商會將石移置於會院內保存以作紀念

### 考棚紀石

現在警署乃清時鐵嶺縣童試之所其正廳屋壁嵌有廉高兩大令創修之勒石今爲修警舍者糊於紙內

### 屋中有井

西南街現今硝磺局迤北之路西清初時舊係左氏宅其正宅西屋有井一口不知斃自何年今宅已數易主矣井向無汲食者亦未填塞僅用地版平鋪其上云

### 廟中井井中廟

城裏關帝廟院後殿西偏有井一口井底偏北舊有古廟遂相傳爲

廟中井井中有廟云

### 城內關帝廟東之甬道

據關帝廟碑正殿之東舊有通樓北官街現被各舖侵圍院內與廟出租

### 山神廟

南門裏迤北路西之七聖祠昔爲山神廟相傳舊有苦茅之戲樓在廟之前今其地久爲民居

### 瓦鐘寺之瓦鐘

東關天主堂之門前甃瓦窰之北舊有諸聖祠小廟一座陶瓦爲鐘因以名寺今則廟已重修鐘亦改以鐵鑄

## 二虎廟之二虎

祖越寺山西南坡下有諸聖祠門前有石虎二據廟前勒石云土人在其地掘得二石虎因集資修廟置二虎於門前云

## 蠍之來歷

相傳城內舊無蠍清同治間有一賣藥者在東關街擺攤用水盂貯小蠍人多莫識爲何物去時將盂水及蠍潑撒於城南隅而毒類因以孳生

## 宿老屯之掘得鐵礮及銅佛

城東宿老屯村東山城子山上於清光緒間土人掘地得鐵蒺藜無數及小鐵礮二復於村東掘黃泥中現銅佛一尊高三尺餘其礮送

縣署內而佛像在村寺供奉之其佛帶座座上有原鑄字然已剝蝕不可復識焉

## 汎河洞之通龍首山

相傳清道光間有老僧畜一小犬誤入汎河洞中百計莫能出之後數日乃從龍首山慈清寺佛座後小穴竄出由寺僧送還俗謂汎河洞最長卽以此也

## 大汎河之鐵真武

大汎河真武廟鐵像高丈餘相傳昔有村人乘牛車歸途遇一叟借便赴村內訪親村人許之車行至現在立廟處叟謝別下車步行次日村人共見一鐵真武像坐其處因就而修廟焉事屬荒唐特至今

村人猶道之

汎河洞東之樓子碑

汎河洞東昔有古碑碑有甃樓護之俗稱樓子碑謂亦李總兵墓地其墓久湮沒今則碑亦無存矣

山嘴子東北山之石碁局

汎河站東山嘴子之東北山俗名香山其上有石碁枰一具棋子嵌於盤上可以往來推移而不可拾起不知始自何時清同治間經牧童推壞

石佛寺之大石佛

城西南石佛寺山舊有石佛寺其石像極高不知始自何年今廟基

鐵嶺縣志

佚聞志

三百三

奉天作新印刷局排印

祇餘瓦礫而石像露坐山阿被土掩其半身

鴛鴦湖之所在地

八景之鴛湖泛月舊志云在城西南三十里按其圖載距遼河東岸不甚遠或有謂東南關之甃瓦窰旁兩坑相並中隔一路爲合鴛鴦之義且在登龍首山者之目中然與舊志道里不合殊難據爲定論

鎮西堡掘得古錢

相傳城西鎮西堡村掘得古錢二缸錢係宋代熙寧字樣其來歷不可解

紀曉塘之遺踪

相傳城西北大台山爲明代紀曉塘成真處其事僅見小說而土人

盛稱之

柴米極賤之市價

清咸豐初境內柴米之價最廉高糧每斗售東錢五百卽八十一文  
山柴一車售東錢八百卽一百三十文日傭之值東錢一百卽十六  
文儉約之風可思矣

卷二勘誤表

(一)

類別	頁	行	字	誤	正
鹽貨雜稅志	二百七	十二	四	開	間
	二百九	二	二十一	粟南	粟而南
	二百九	四	十七	消	銷
地方雜捐志	二百十二	一	七	軋	車
	二百十二	十三	二十六	國稅學警自治各款	管理
	二百十三	一		集市糧捐欄內未行隊各四厘	隊各五厘
	二百十五	五	一	紛	粉
自治志	二百十六	二十	七	來	(取銷)
	二百二十七	十八	十	棄	乘
	二百二十八	七	二十一	工警	工商警
	二百三十三	十五	三	李伯沅	李伯沅
農事志	二百三十九	八	一	塋	映
	二百四十二	十	十八	股	映
	二百四十二	十九	十九	植	植
	二百四十三	十二	十九	田重利微生害	田利微害
	二百四十四	二十	五	(不真)	荷
	二百四十五	二	十五	(脫去)	蒙語黃菸也
	二百四十五	十	四	(不真)	工
工藝志	二百四十八	十二	二十四	藍	靛
商務志	二百五十	十三	二十四	箕	其
	二百五十一	十八	十二	縣長錢如	錢如縣長
	二百五十四	十二	六	澹河	澹遠河

(二)

類別	頁	行	字	誤	正
商務志	二百五十四	十八	二十三	垣	坦
	二百五十五	四	二十五	摻	(取銷)
	二百五十五	十二	八	杏	小
	二百五十七	一	(頭一字)	佑	估
	二百五十八	六	二十二	彼	被
	二百五十九	五	四	指	措
	二百六十三	九	十五	蜀	秫
	二百六十三	十九	十九	外運	外出運
	二百六十四	二十(後)	十五	(添一行)	西豐漲三升東豐漲四升四合
	二百六十六	六	七	(簡意下添小)	民國三年
鎮務志	二百七十三	八	一	育	秀
	二百七十七	十七	二	紳	神
宗教志	二百七十八	十三	四	屬	蜀
	二百七十九	二	十九	樾	越
	二百七十九	七	九	善	立
	二百七十九	十	二十三	渾元之	混元等
禮俗志	二百八十四	十四	十五	人	入
	二百八十四	十七	十三	口	卷
氏族志	二百八十八	二十	五	宗	忠
	二百九十	十五	十九	(直隸下脫去)	容城知縣
人民程度志	二百九十五	十	三	誰	雖
佚聞志	三百一	十一	一	中井	中有井

鐵嶺縣志

鐵道交涉志

讀日人白山黑水錄曰鐵道於當今之都邑市會盛衰消長有可預知者滿洲烏港線經齊齊哈爾經呼蘭城六十里之哈爾濱而不通過呼蘭城經甯古塔六十里之掖河而不通過甯古塔城旅順線經長春而不通過吉林奉天遼陽皆經其近旁而遼東方面之大停車場乃設置兩市中間之烟台蓋以鐵路之便使支那舊有之都邑興盛不如利用鐵道勢力爲露西亞新建都邑之開基也舊都邑中得增發達其惟長春乎鐵嶺奉天遼陽海城之城市皆距鐵道線不遠得藉其便斯書也成於日俄戰爭以前也俄之積心積慮洞若觀火

盛衰情況更歷歷如繪未幾而長春迤南借築之路線歸日本繼領矣吾邑素稱遼河航運轉瞬間非復舊觀開原之孫家台當清光緒之季尙荒涼無居人而四五年間樓房比櫛百貨雲屯地勢大有變遷農商之業亦且隨之撓萬物者莫疾乎風此之謂也日本吾東鄰也隣強且智吾與蒙其福然隣強而吾弱隣智而吾愚又不能不瞿然驚恧然愧耳志鐵道以交涉附焉

鐵道之由來

清光緒二十四年俄人得借地修路權期以二十五年交還而日俄戰後日本接管長春迤南達旅大之路線曰南滿鐵路其實奉省非皆滿洲地也自古遼東西隸中國確有可稽中古時或淪於東北各

裔亦不盡爲滿族西漢疆域東有朝鮮唐之疆域東有高麗新羅百濟北有黑水卽明之徧小尙全有奉省境以吉林等地爲羈縻州日本繼俄借築之鐵路其名曰南滿特就近代之狀況言之也

### 鐵道之入境出境

鐵路南自新台子入境地在懿路之西日人呼曰新臺子驛南距瀋陽之新城子驛日哩七哩五合中國四十餘里近年商業頗興日本至此停車約十五分鐘北行新設石山子驛約中國十五里日哩未詳再北爲得勝台驛在阮家窪子村西距新台子日哩十里七合中國六十餘里再北卽治城西之鐵嶺驛距得勝台日哩五里九合中國三十餘里日本至此停車三十分鐘由治城東北行過柴河爲平

頂堡驛距治城日哩六里七合中國三十六里餘再北則達開原之中固

### 鐵道株式會社

鐵嶺滿鐵株式會社於明治四十一年卽清光緒三十三年承繼於野戰鐵道提理部站之本舍其舍於日俄戰爭時曾罹火災後經修理稍稱完備而於明治四十五年卽清宣統三年一月重罹於火復行建築於大正二年卽民國二年十二月全部竣工該站除站長外從事人員計一百四十九人

### 郵政及電話局

日郵政局設於鐵道用地內中央街先是明治三十七年卽清光緒

二十九年七月因日俄戰役設置臨時電信隊鐵嶺通信所附設電話交換所均係鐵嶺交涉以前之事明治三十九年即清光緒三十一年九月合併改稱為鐵嶺郵政局並於西門外設立支局以便取送郵件其局內設局長一員通信書記四員技手一員書記補七名事務員六名工手二名電話交換手十一人見習生二名通信夫十六名

### 軍隊

駐鐵日軍由遼陽師部分遣而來設有旅部司令部並軍隊一團

一旅部旅長一員少將 副官二員大中尉 下士官二名

一團部團長一員上校 將校以下相當官六十員下士以下兵一千

八百名除留本團聯隊守備兵若干外在鐵駐屯之兵不滿一

### 團

一憲兵隊 將校一員 下士以下十四名

一守備分遣隊 將校一員 下士以下五十名

一關於倉庫陸軍支庫主計一員計手若干

### 教育

日本學校其在鐵道用地內歸滿鐵會社管理之在居留地者歸居留民會管理之其尋常高等小學校創於明治四十年即清光緒三十二年前係公立者歸居留民會經理明治四十五年即清宣統三年七月滿鐵會社於鐵道用地建築樓房凡男女生徒皆就學於此



而居留民會之學校亦於是倡辦該校男生一百三十七名女生一百零八名校內校長一員男師七名女師三人並附設實業補習學校幼兒運動場教師十四人生徒一百五十人日語學校於明治四十五年即清宣統三年創於滿鐵會社專授中國人之子弟以便國交生徒六十名教師中國人二名日人二名亦附於日本小學校

### 陳列館

日本陳列館設於鐵道用地當日俄戰時日軍政官川崎極力提倡未果而中途病故早間氏復繼其志於明治四十一年即清光緒三十三年開始經營其事業則以內外之商品介紹委托倉庫等事並於遼源縣設立支店專事滿蒙之貿易大正二年即民國二年改爲

株式會社以早間氏爲社長

### 日本領事館

鐵嶺日本領事館自清光緒三十二年中日協約後租用本城南門裏陳姓房院名曰奉天總領事館出張所是年改爲領事分館三十四年九月改爲獨立即稱駐鐵日本領事館宣統二年十二月移駐日陳列館院內民國二年移駐西關火神廟大街西陳姓房內

### 日領事館經辦事務及職員名目

領事主辦之事務除通商及交涉事務外兼理關東都督事務官管轄滿鐵沿線之密接關係其館內設領事一員書記生一員通譯一員僱員五六人

### 赤十字會社

日本赤十字會附設於領事館內以領事爲支部長以警務署長爲副部長其外設候補主事一員以專司其事並選有中日委員二十九員以資相助其社員現有二千二百餘名可謂盛矣

### 警務署警察署

日本警務署隸於關東都督其署設於車站以西日名銀州街保居留日本人之安寧秩序署內設署長一員警部一員通譯一員警部補三員巡查十五人外僱若干人  
警察署隸於領事館設於邑西關大街路南其署之署長以警務署長兼充設警部一員警部補二員警察二十四人

### 居留民會

日本居留民會設於邑西關火神廟西胡同受領事監督徵收公費辦理居留行政自治教育衛生消防等事其會內議員官選民選共七名會長一員副會長一員理事一員書記一員

### 病院

日本病院有衛戍病院滿鐵病院之分其衛戍病院專司軍隊之病者傷者之治療及衛生設施等事院內設院長一員軍醫及藥劑官四員主計一員滿鐵病院原爲鐵嶺公立病院之改組經滿鐵會社擇地建築樓房其勢宏廠院內設院長一員醫師二員藥劑員一員事務員十六名

### 俱樂部

日本俱樂部設於邑西關火神廟街係中日兩國同組現在會員日人八十二名中國人三十四名會中設有打球場圍棋場以作會員之消遣

### 煙草專賣處及製麪公司

日本在鐵之商業最重要者莫如煙草專賣處暨麪粉公司其煙草專賣處設於城內北街專售日本各種紙煙暢銷數縣麪粉公司設於鐵道迤西其機器十二架及二百二十馬力之動力機一晝夜可製麪粉一千六百袋復於大正二年即民國二年設分場於長春銀行及物產出張所

日本金融機關首推橫濱正金銀行其次實業銀行物產出張所首推三井其湯淺松岡日信等洋行雖販運棉布雜貨究不能與三井並駕齊驅也

### 電燈公司

電燈公司設於西關銅鐘寺胡同楊姓院內中日商民合資生理惟日人股本十居七八中國人資本十分之二三公司內設總辦一人技師數人技手數人

### 鐵嶺日本之商人營業

煙草販賣業

東亞煙草株式會社

麥務製造業

滿洲製麪株式會社

貿易商

三井物產株式會社

銀行業

合資會社鐵嶺銀行

棉線布商 日本棉花株式會社出張所

運送業 山口轉運公司

雜貨商特產物仲買 株式會社鐵嶺陳列館

建築材料販賣業 則武木材局

土木建築請負業 松茂洋行

土木建築米穀業 森田商店

土木建築請負棉線布業 權太商店

土木建築請負 銃砲火藥販賣日升洋行

食料品雜貨商 力武支店

食料品雜貨商 能地商店

食料雜貨商 三井洋行

雜貨商 裕和盛洋行

雜貨金物商 藤井洋行

陸軍用達 榊組

陸軍用達商 大矢出張所

石炭商 大昌煤局

吳服商 中瀨商店

魚類商 丸二商店

藥種商 福壽藥房

棉布商 松岡洋行

鐵嶺縣志

鐵道交涉志

三百十一

奉天作新印刷局排印

棉布商 恭山洋行

棉布雜貨 湯淺洋行

貸家業 豐生洋行

銀行業 鐵嶺實業銀行

電燈業 鐵嶺電燈公司

菓子製造販賣 西內雅雄

鐵嶺縣志

教堂醫院學校志

嘗讀新舊約曰耶穌爲天生獨子未嘗不疑其荒唐及味其微言則無非爲懺罪畏天之導師良心不死中外皆同故信徒每具大勇力雖陷囹圄遭慘戮而不悔者蓋有之中國墨守舊學驟聞新說輒曰異端自學校改良而仇教之事鮮矣夫西洋政教分立其侵略他國乃帝國主義之行政爲之何與於宗教乎且世界欲息兵爭更非賴宗教家混一大同苦口婆心廣爲勸導終無康樂和親之一日是宗教不但無可嫉且有可崇拜者觀施醫院青年會之營謀誰實爲之夫爲人必有恐怖而後去惡之意決有希望而後遷善之心誠舉世皆去惡遷善殆卽所謂天國者吾孔子利人達人博施濟衆孟子所謂親親長長而天下平豈非此理哉鐵邑天主耶穌教徒近年與地方水乳交融互相提挈斯民幸福亦各宗教師可以對於救世主而無愧也志外國宗教醫院學校

舊教徒之原始

天主教堂未建以前舊有西關徐姓由他地領洗距今一百餘年矣其時鐵嶺錮守舊習聞入洋教爲駭異故社會鮮與往還無知其真理者

天主教堂

清光緒二十一年法人梁神甫建天主教堂於邑之龍首山西坡其

地基係價買趙李二姓周圍院牆各四十丈並購有院東閒地三十畝院內房舍二十六年被燬於火二十八年重修有樓七楹爲禮拜所後院設女嬰孩堂收育貧家女孩飲食教誨年長出嫁寓慈善之意而城南之懿路安心台西窩棚各有教堂分設

### 耶穌教會

鐵嶺耶穌教長老會自光緒九年始其會所向在南關南大嶺街路北於二十六年與天主教堂同時被燬於拳匪亂後重新修葺又在路南購地建築醫院並附以學校教育各教友之子弟

### 新舊教徒及庚子教案

全境信仰舊教者總計男女一千九百五十人城居之外南鄉爲多

仰新教者一千四百人城居之外東鄉爲多庚子拳民仇教多遭慘殺和約既成經盛京將軍增奏調分省候補道彭英甲邑東人辦理奉天全省教民賠撫各案彭錫庚楊祖榮隨同辦事勸助文牘與天主教會主教蘇斐理耶穌教長老會會史傅多瑪殫心商榷訂定約規毖後懲前以期永銷禍變光緒二十八年前後簽押自此民教相仇之風遂以止息

### 附錄奉天全省天主教案約章

大法國欽差全權大臣呂暨頭等參贊買大清國奉天將軍增派辦教案候補道徐

爲公立合同事奉天因光緒二十六年拳匪之

亂除天主教堂被毀早由大賠款內辦結教民恤賠款項一百四十萬兩由蘇主教辦結另立約章外至外國教士貞女被害教士墳地

被挖等情應歸駐京法國欽差經奉天將軍派員來京商辦茲因奉天籌款萬分爲難百般商議極力核減至減無可再減議定凡奉天主教外國教士人命挖墳修墳一切大小事體一律完結共賠奉天瀋陽平銀四萬兩整由法國欽差自行斟酌作爲補償及設修仁慈院所之用不與奉天相干賠款銀定於光緒二十九年二月初由奉天將軍兌交駐京法國欽差收領寄與收據存案惟戕害主教紀隆實可慘恨擬將瀋陽教堂東隔壁民地一段共二畝多地由將軍發官價買交教堂作爲紀隆記念祠堂至被挖外國教士墳地五座須仿照山西辦法立碑五座每碑帶亭儘一千銀之數爲度五甬碑共銀五千兩由將軍派公正賢員或求彭道監視並地方官妥爲照料而免差錯碑亭外繪圖樣明年興工至戕害紀隆正凶拳匪劉喜祿張岔牙子等旣已懲辦多名爲從者一律免究如由將軍查再有拳匪正凶應按律辦其餘無論何事一概完結眼同大清國外務部由大法國欽差呂與大清國奉天辦教案委員候補道彭英甲等訂立合同各籤字書押繕寫中外文約三分法國欽差收執一分中國外務部收執一分奉天將軍收執一分存案備查教民仍是中國百姓俟後遇有詞訟案件仍由各地方官不分民教按律辦理特附約章之末

附錄奉天全省耶穌教卹賠成案

總辦奉天耶穌教案花翎分省補用道彭  
總辦奉天交涉事務花翎候補知府李  
幫辦奉天交涉事務花翎四品銜候補同知恩

暨關東耶穌教長老會牧師傅爲會同辦理

奉天全省耶穌教民前被拳匪殘殺搶掠各案如數議結訂立合同存案備查事伏查此案<sup>交涉總局耶穌教會</sup>均願和平完結惟求永遠相安不得再有翻悔糾纏等事耶穌教會素以傳道爲主並不追究拳匪殺害教民之罪亦不向官府索賠人命之款卽應賠償教民所失各項亦願從減折扣委因大亂之後人心未安民困未舒不忍過事苛求是以公同議定此次賠款不可攤派於民請旨由官籌給爲此訂立完案章程十二條籤押後由<sup>軍督撫尹</sup>憲通飭奉天全省旗民各地方官立案以備互相遵照謹將詳細章程列後

一條除焚燬各處教堂歸大賠款另辦外統計議定由官籌給瀋平銀五十七萬兩整作爲撫卹孤苦並賠償教民所失之田房財產

牲畜車輛器具樹株貨物以及捐罰銀錢等項分限三年賠清另附交還日期表於後

二條賠償款項不可攤派於民須由<sup>將軍撫尹</sup>奏明究應如何籌辦之處敬候請旨遵行

三條賠款歸傅多瑪由奉天交涉局至期提收轉分與教民如傅多瑪有回國離奉之時揀派別人代理須先知會交涉局查照以專責成

四條此次議定恤賠教民款項原係公同商妥爲日後民教永遠和睦起見若被害之家再有指稱所失房田財產等情控告者是與此次議結合同相背且恐因此又激他變現在公同議定自此次



賠恤之後一概不准再以前事控告至從前拳匪爲首之犯已經懲辦多名今體教會恕仇善念其餘一律免究以釋嫌怨

五條教民妻女有被匪徒霸佔者由教堂牧師函知地方官查明追回如有違抗不交按律治以應得之罪

六條教民房田並典當紅契文約有查抄入官及被匪霸佔者由教堂開單報官迅速查明分別追還有失落房田稅契等類文約邀同地保中證暨原賣主公同報明另立新契粘尾免稅如非二十年失落之契仍照例納稅均不准差役需索分文更有因亂時被匪逼將房田典出已得錢者仍須備原價贖回不准少給典價亦不准霸不容贖其不願贖者聽之

七條拳匪殺害人命教會以恕仇爲主情願不索賠償分文但念無辜受害遺下寡婦孤兒無可存活於賠款內由教會自行酌量撥資撫育以示體恤

八條教民所欠新陳錢糧稅務照章完納不得以遭亂藉口抗不繳納如有故意恃教抗欠者准地方官照例追完至應攤官項錢文除迎神賽會照章不攤外其餘善舉及各項差徭仍須照常攤納以睦鄉鄰而尊國體

九條教民平民均係中國赤子自此次立約之後務要彼此相安永歸和好如有不平之事務須呈請地方官秉公訊斷不准私自尋仇爭鬪具呈時亦不准書寫教民字樣違者不理堂訊時宜遵國

法長跪聽審違者治罪地方官亦宜持平辦理如有曉諭亦不得獨分別教民百姓字樣至教民如有恃教抗官干預公事者准地方官查明實在劣跡知會該管牧師訊實立革出教歸案懲辦至地方官與各教士尤宜互相親敬以期遇事易辦彼此泯猜疑之見

十條議定將此合同繕寫五分由交涉局蓋用印信督撫憲備案各一

分交涉局一分彭道一分耶穌會一分收存備查以昭大信

十一條約章籤押後由督撫憲通飭奉天全省旂民各地方官印發立

案以期咸知所守

十二條於二十七年六月二十六日羅牧師到奉後由官先行籌借

市銀三千兩原爲墊付教會用度現因議結奉天全省耶穌教案各牧師均能共體時艱和平商議極力核減深堪嘉尙所有前項銀三千兩毋庸在於五十七萬兩內扣留作爲賞與教民以表彼此和睦之誼而昭督撫憲愛民如子之心也

### 耶穌教之醫院

光緒三十二年耶穌教創立醫院於南關英人慕大夫爲倡始袁大夫繼之其治醫診及藥料沿中國習俗男女分日診治皆在上午禮拜日休息每一週醫治病傷約百餘人全年約醫治五千餘人院內養病室可容五百人病傷寄居月僅納膳費銀圓三元仍不索醫藥費成效卓然昭著民國三年秋袁大夫歸英省親特發洪願議另建

養病樓房二十楹估價銀圓七千圓擬在英勸捐四千圓而我各界公認倡捐三千圓

### 耶穌教之文航萃英學校

清宣統元年醫院內設萃英女校分高初小學兩班計招女生四十二人  
民國三年教堂院內設文航男學設中高初三班學生計五十人  
其於數理外國文多稱完善

### 耶穌教之青年會

民國三年復倡立青年會不拘宗教規則惟以德育爲宗旨專重人道厲戒冶游及欺詐等事以智育體育輔之吾邑由紳學各界公推名譽正副會長將來畛域日化共迓天庥息世界之兵爭不能不厚望之